


ՆՈՒՔԷԼ ԹԱՐՈՒՆԵԼ

ԳՈՒԼՅԱՎԳՈՒԼՅԱ ԿԱՍԻԵՐ

Տարվա եղանակները
Օրվա ժամերը



ԳԱՐՆԱ

Արեւն այսօր արդէն խայթող է,
Հողի խորքերն է թափանցում,
Չով օդը ջերմ ու կազդուրող է.
Շուտով կգա նոր արթնացում:
Գրչանկար դարձած ծառերը
Հետզհետե կթանձրանան,
Ջրաներկի հյուսիս գույները
Կազդարարեն գալուստ գարնան:
Ահա՛. եկա՛վ. անցա՛վ ձմեռը:
Հոգում բերկրանք անորսալի.
Ինչ-որ մի բան արդէն փոխվել է,
Ինչ-որ մի բան դեռ կփոխվի:
Եւ կորոտա ցասամբ երկինքը,
Շանթեր արդար կճանաչեն,
Բյուրեղ ջրի բյուր-բյուր շիթերը
Մաքրող հոսքի կվերածվեն:
Սառույցը կլցնեն գետերը,
Եւ ցուրտը կկորչի հեռվում,
Ու կտիրեն միայն Արեւը,
Անվերջ երկինք ու ջերմութիւն:



06.92

Ամառ


Բողոքեցի՞ք ձմռան ցրտին,
 Ահա ձեզ ամառվա շոգերը,
 Երբ որ անգամ սպասված քամին,
 Չի զովացնում այրվող թոքերը:
 Մրեց գարնան գույներն ամառը.
 Փոշի ու տոթ ամենուրեք,
 Այրվել է խոտը, Վարդավառ է.
 Գուլցե ջրով միայն փրկվեք:
 Եւ միայն միտքը, որ մի օր էլ
 Կրկին պիտի դողաք ցրտից,
 Ստիպում է նախընտրել այս օրը,
 Չտրտնջալ խեղդող տապից:
 Սակայն կարգից առաջ ընկած
 Ինչ-որ տերեւ արդեն դեղնում է,
 Կարծես այդ մեկը վախենում է,
 Թե կմնա ճյուղին գամված:
 Իհարկե՝ ոչ. եւ ճիշտ կարգով
 Կանցնի ամենը իր հունով,
 Եւ կհասնի ամեն տարվա
 Տխուր ավարտը ամառվա:



ԱՇՈՒՆ

Ի՞նչ տխրություն. ցնծանք է շուրջը
 Ու պապանձված պահում ես շունչը:
 Այրեց ամառն իր վառ կանաչը.
 Դրա մոխիրն է այս հրաշքը:
 Որքա՞ն կանաչն այդ սիրտ հուզեց,
 Երբ որ գարնանը հայտնվեց:
 Ոչինչ, որ այն արդեն չկա,
 Ոչինչ, որ սա էլ կգնա:
 Կանցնեն կարմիրը ու դեղինը,
 Կանցնեն բոսորը ու դարչինը,
 Կտան գույներն իրենց՝ գետնին,
 Կվերածվեն գորգի նրբին՝
 Փափուկ, խշշուն ու բուրավետ,
 Չետո՞ւ էլ կլուծվեն անհետ,
 Խոնավ հողում մինչեւ գարուն,
 Մինչեւ նոր կյանք ու նոր ցնծում:
 Բայց դա՞ հետո: Իսկ հենց հիմա,
 Դեռ աչքն անթարթ կհիանա,
 Չոգին դեռ բույրը կշնչի,
 Մինչեւ ձմեռն անցնի գործի:

1983.10.31



Զմեռ

Վերջն էր աշնան, օր առ օր
Զմեռ կիջներ սարից ձոր
Ու կհասներ դաշտերին,
Սեւ-սեւ վարած հանդերին:
Ծանրամարմին քուլաներ
Գյուղի վերել կկախեր
Ու կմրցեր սաստկացած
Բուխարու հետ վախեցած:
Ու կոռնար գազազած՝
Դըրսի դռնից կիսաբաց
Ու իր շնչով ահարկու
Ձյուն կդիզեր մուժ բակում:
Լուսադեմին կլներ,
Յոգնած՝ հոգոց կբաշեր,
Ու խաղաղված, ապակուն
Նախշ կգծեր զարդարուն:
Խորհրդավոր լռություն
Կհաստատեր աշխարհում.
Սառը արեւ, կապույտ սուվեր՝
Կախարդական մի պատկեր:

Զ

ով է, ցող է, առավոտ է,
Թափանցիկ, բյուրեղ է օդը,
Լռությունն է դեռ իշխում:
Նոր ցուլաց արփու ճաճանչը
Բայց արդեն բզգում է ճանճը,
Չրնգում քամու ղողանջը,
Եւ օդում անհետ լուծվում:

Կ

արթնանան ննջած ձայները,
Կըռռան օրվա գործերը,
Կկախվի օդում փոշին:
Կկորչեն հեռու լեռները,
Կարճացած անզոր ստվերները,
Եւ արդեն հոգևած ժամերը,
Կհասնեն օրվա կեսին:

Է

Էլ ավել կայրի արեւը
Չի փրկի նույնիսկ անձրեւը
Կշաղի ու կկորչի:
Ու կրկին հոսում է օդը,
Եւ անզուսպ խեղդում է տոթը.
Գիշերվա գովի կարոտը,
Շատ երկար դեռ կտանջի:

Զ

Զովութիւնը դեռ հեռու է,
Օդը չոր է ու մռու է,
Արեւմուտքն է դեռ շիկնում:
Բայց, ահա, դանդաղ մթնում է,
Կեսգիշեր է, հովն իջնում է,
Եւ աշխարհը համրանում է,
Նոր օրվա հոգսով քնում:



ՀՏԴ 821.19
Բանաստեղծություններ
Ռուբեն Հակոբյան (Թարումեան)
post@tarumian.am
tarumian.am
թարումեան.հայ



ԵՐԵՒԱՆ
2021